



UNIVERSITÄTS-
BIBLIOTHEK
PADERBORN

Cogitationes, Sive Considerationes Christianae Pro singulis Anni diebus

Complectens Octobrem, Novembrem, Decembrem

Nepveu, François

Monachii, 1709

Dies 15. De fuga occasionum.

[urn:nbn:de:hbz:466:1-60533](https://nbn-resolving.org/urn:nbn:de:hbz:466:1-60533)

Tum maximè oppugnaris , si te im-^{November}
pugnari nescis. Hieron.

DIES XV.

De Fuga Occasionum.

I.

DEUS à fidelitate sibi insita succurrere nobis in tentatione obligatur , nisi ipsimet ei nos implicuerimus. Id in pluribus sacrarum Litterarum locis nobis pollicetur: *Quoniam in me speravit , liberabo* ^{psal. 90. 14.} *eum , protegam eum. Imò Angelis suis mandavit de te , & in manibus tollent te , ne forte* ^{Math. 4. 6.} *offendas ad lapidem pedem tuum. Si verò ipsimet tentationi inhiamus , occasionem quærendo , Deus promissis suis exsolvitur , imò hæc ipsa fidelitas ipsum cogit , ut nostro nos arbitrio relinquat : cùm difertè nobis prohibeat , ne Dominum tentemus. Et verò quid est tentare Dominum , nisi ope divinæ gratiæ immoderatè niti , atque insuper habita Dei prohibitione , peccandi periculo sese committere ? Annon id prohibet , cùm dicit : *Qui amat* ^{eccles. 3. 27.} *periculum , in eo peribit ? Et sic eadem fidelitas , quæ Deum obligat ad succurren-**

November dum nobis in tentationibus, & occasionibus, quas non quaesivimus, eum quoque obligat ad nos deferendos in illis, in quas ultrò nos coniecimus. Si verò me deferis, Domine, quid possum, nisi cadere, & me perdere?

II. DEUS ad honorem suum tuendum quodammodò obligatur nobis in tentatione succurrere, si ea provenit à dæmone, Dæmonis tentatio oritur ex illius invidia, & concepto in nos odio, quod est effectus illius odij, quo Deum averfatur. Nos Dei sumus imagines; itaque diabolus in imaginem Dei exonerat rabiei suæ effectus, qui ad Deum usque perungere non valent, atque ita Deus, à zelo gloriam suam propugnandi obligatur tueri homines, qui ipsius loco odium diaboli sustinent, vel saltem alia de causa ab eo non impugnantur, quàm, quòd ad Deum pertineant. Si verò homo occasionem quærit, tum ipsemet in tentationem se conjicit; ac proinde non diabolus, sed ipse tentationis est author, eaque de causa Deus eum porro protegere non tenetur, cum ipsius gloriæ hac in re non præjudicetur; permittit ergo, ut solus cum solo diabolo contentionem suam transigat; tum enim partes contendentes
mini-

minimè æquales sunt. Imbecillus, & i- November,
gnavus homo, poteritne solus sustinere
hostem tam potentem, tam vigilem,
támque formidandum, ut est diabolus?

III. DEUS etiam à zelo, quo gloriæ
suæ curam gerit, obligatur, deferere ho-
minem, qui occasione se exponit: si
enim sponte suâ in eam se conijcit; vel
proprijs viribus confidit, vel eisdem diffi-
dit? si proprijs viribus confidit, temera-
rius est: è re gloriæ divinæ autem est,
superbum deprimere, & facere opem di-
vinam ei negando, eumque sibi ipsi re-
linquendo, ut imbecillitatem suam sen-
tiant. Et verò quemadmodum Deus gra-
tiam suam semper impertit humilibus, sic
eam superbis plerumque negat. Quapro-
pter Spiritus sanctus asserit, quòd, quan-
tumcunque virtutis, & virium habea-
mus, ijs tamen exuamur, ut primum
arrogantiùs de nobis sentire incipimus;
nam contritionem præcedit superbia, & ante Proverb. 16.
ruinam exaltatur Spiritus. David ultro fa- 18.
teretur, lapsum suum fuisse effectum, &
pœnam temeritatis suæ: Dixi, inquit, in Psalm. 29.
abundantia mea, non movebor, avertisti v. 7. & 8.
faciem tuam à me, & factus sum conturbatus.
Petrus adeò turpiter victus non fuit, nisi
quòd invictum se crediderit; omniumque

L 4 fuit

November. fuit ignavissimus, quia se fortissimum esse ratus occasione inconsultò se commisit. Si homo occasione se exponens viribus suis diffidit, seque cadere facile posse praevidet, jam lapsus est in peccatum, priusquam se in occasionem conjiciat, maximè si ea sit proxima; cum peccatum sit, quærere occasionem proximam; & alterum in occasione ipsa committere desertus à gratia, quam Deus concedere detrectat homini, qui tam parvi eam pendit; dum se adedò temerè eam amittendi periculo exponit.

Statue, nunquam, quocunque obtentu, occasionem peccati te exponere.

Qui amat periculum, in illo peribit.
Ecclesiasticus. 3. 27.

Sicut se Petrus præsумendo ignorabat, sic negando didicit, quales vires haberet. *Aug.*



DIES